

Na osnovu člana 5. Odluke o uslovima, načinu i kriterijima za finansiranje/sufinansiranje projekata u svrhu održivog povratka („Službene novine Kantona Sarajevo“, broj 2/19 i broj 5/26) i Budžeta Općine Novi Grad Sarajevo za 2026. godinu), – budžetska pozicija: Izdaci za održivi povratak za raseljena lica - ekonomski kod: 614200/GPA02 („Službene novine Kantona Sarajevo“, broj 2/26), Služba za boračka pitanja, rad, socijalna pitanja i zdravstvo Općine Novi Grad Sarajevo objavljuje

**JAVNI POZIV
za podnošenje zahtjeva za finansiranje/sufinansiranje
projekata u svrhu održivog povratka u 2026. godini**

A./Predmet javnog poziva je prikupljanje zahtjeva pravnih i fizičkih lica za finansiranje/sufinansiranje projekata pomoći u održivom povratku.

B./Sredstva za finansiranje/sufinansiranje projekata po ovom javnom pozivu osigurana su u Budžetu Općine Novi Grad Sarajevo za 2026. godinu u iznosu od 170.000,00 KM.

C./Sredstva iz Budžeta Općine Novi Grad Sarajevo bit će raspodijeljena za finansiranje/sufinansiranje sljedećih projekata:

- a) Popravku putnih saobraćajnica, elektro-mreže i drugih objekata komunalne infrastrukture;
- b) Potrebe u oblastima zdravstvene zaštite i obrazovanja;
- c) Obnova porušenih ili oštećenih vjerskih objekata i lokalnih grobalja;
- d) Rješavanje uslovnosti stambenog prostora i pomoćnih objekata u mjestu povratka;
- e) Nabavka stoke i poljoprivrednih mašina;
- f) Program zapošljavanja/samozapošljavanja povratnika;
- g) Organizovano – sistematsko rješavanje statusnih pitanja povratnika.

Pravo na apliciranje za finansiranje/sufinansiranje projekata koji se odnose na rješavanje pitanja koji su u vezi sa stvaranjem uvjeta za održivi povratak imaju općine, udruženja, crkve i vjerske zajednice koje su registrovane na području Bosne i Hercegovine.

Pravo na apliciranje imaju i pojedinci čiji se projekat odnosi na rješavanje pitanja održivog povratka iz tačka d, e, f i g. ovog javnog poziva.

D./Prilikom razmatranja podnesenih aplikacija i projekata na javni poziv vrednuju se sljedeći kriteriji:

• **Opći kriteriji koji se odnose na pravna lica:**

- a) Da je pravno lice, upisano u odgovarajući registar kod nadležnog organa;
- b) Da je tražena pomoć namijenjena rješavanju problema i zadovoljavanju potreba povratničke populacije.

• **Posebni kriteriji koji se odnose na pravna lica:**

- a) Broj povratnika na koje će se tražena pomoć direktno ili indirektno odnositi;
- b) Učešće aplikanta u finansiranju projekta.

• **Opći kriteriji za dodjelu pomoći koji se odnose na fizička lica:**

- a) Da je povratnik u prijeratno mjesto prebivališta na području Federacije BiH ili povratnik iz Federacije BiH u prijeratno mjesto prebivališta na području Republike Srpske i Brčko Distrikta BiH;
- b) Da raspolaze imovinom u mjestu povratka na kojoj se tražena pomoć može optimalno iskoristiti.

• **Posebni kriteriji koji se odnose na fizička lica:**

- a) Broj i starosna dob članova uže obitelji podnosioca sa kojima živi u zajedničkom domaćinstvu;
- b) Da podnosilac je/nije u radnom odnosu;
- c) Pripadnost nekoj od posebnih kategorija lica (obitelji šehida i poginulog borca, osobe sa invaliditetom, demobilizirani nezaposleni borac, obitelj nestale osobe, bivši logoraš, civilna žrtva rata i druge socijalne kategorije) sukladno sa važećim zakonima u BiH.

E/. Aplikacija na javni poziv treba da sadrži: naziv/ime podnosioca zahtjeva, sjedište/prebivalište podnosioca zahtjeva i sadržaj apliciranog projekta i sljedeću obaveznu dokumentaciju, kako slijedi:

- a) zahtjev (*pravna lica i fizička lica*),
- b) projekat (na obrascu Službe - *pravna lica*),

- c) predračun (*pravna lica i fizička lica*),
- d) rješenje/uvjerenje o registraciji (*pravna lica*),
- e) ovjerena izjava podnosioca aplikacije o učešću u finansiranju projekta (*pravna lica i fizička lica*)
- f) kopija CIPS-ove prijave prebivališta iz mjesta povratka (*fizička lica*),
- g) dokaz o vlasništvu imovine u mjestu povratka (*fizička lica*),
- h) kućna lista (*fizička lica*).

Dokumentacija kojom se dokazuju posebni kriteriji (koji nisu obavezni, ali će se na osnovu istih izvršiti bodovanje prijave) koji se odnose na fizička lica ukoliko istoj pripadaju su:

a) potvrda o radnom odnosu ili uvjerenje Zavoda za zapošljavanje, rješenje o penzionisanju ili ček od penzije

b) dokaz pripadnosti određenoj kategoriji ili stanju socijalne potrebe (RVI, šehidska porodica, demobilisani borac, rješenje o invalidnosti i dr.).

Lokalne zajednice (Općine) koje apliciraju, nisu dužne dostavljati gore navedene dokaze, niti potpisivati Memorandum o razumijevanju za infrastrukturne projekte.

(Original ili ovjerene kopije ne mogu biti strajji od šest mjeseci od dana završetka ovog javnog poziva)

Zahtjev za finansiranje/sufinansiranje projekata u svrhu održivog povratka može se preuzeti u Šalter sali i putem web stranice Općine Novi Grad Sarajevo – padajući meni Aktuelnosti – Javni pozivi.

F./Rok za podnošenje zahtjeva sa projektom i pratećom dokumentacijom je 30 dana od dana objavljivanja javnog poziva.

Podnosioci zahtjeva mogu aplicirati samo s jednim projektom u okviru ovog tekućeg budžetskog transfera.

Ako je podnosilac aplikacije u prethodnom periodu dobio sredstva od Općine, a nije dostavio izvještaj o njihovom namjenskom utrošku, njegova aplikacija za dodjelu sredstava na osnovu ovog javnog poziva neće se razmatrati.

Vrednovanje pristiglih projekata vrši Koordinacioni odbor kojeg imenuje Općinski načelnik.

Općinsko vijeće Novi Grad Sarajevo donosi konačnu Odluku o raspodjeli sredstava tekućeg transfera iz budžeta Općine Novi Grad Sarajevo za održivi povratak na prijedlog Koordinacionog odbora.

G./Zahtjev sa pratećom dokumentacijom predaje se na šalteru Općine Novi Grad Sarajevo svakim radnim danom od 8:00 do 17:00 sati ili putem pošte kako slijedi:

Općine Novi Grad Sarajevo

Služba za boračka pitanja, rad, socijalna pitanja i zdravstvo

Bulevar Meše Selimovića 97

71000 Sarajevo

sa naznakom „Održivi povratak 2026“

Dokumenti dostavljeni uz zahtjev na Javni poziv neće se vraćati.

Nepotpune, neblagovremene i zahtjevi sa neovjrenim kopijama neće se uzimati u razmatranje.

Ovaj Javni poziv biće objavljen na web stranici i Oglasnoj ploči Općine i jednom dnevnom printanom mediju u BiH.

U postupku Javnog poziva Općina ne snosi troškove aplikantima.

Dodatne informacije mogu se dobiti u Službi za boračka pitanja, rad, socijalna pitanja i zdravstvo, Općine Novi Grad Sarajevo; kontakt osoba Esad Baždar, kancelarija broj 318/III ili na kontakt telefon: 033 291-255, e-mail: esad@novigradsarajevo.ba.